

臨武縣志卷之四十三

金石志

鼎鑄君山碑鐫壽岳黃虞之法物百代堪欽歐陽永叔謂金石遺文足補史傳之闕遐搜逖攷編成集古一書其後趙明誠作金石錄鄭漁仲作金石略皆倣其意而行之臨居楚南壤連粵左洞庭山邈莫訪軒臺岫嶠峰迨誰摹似碣然自置縣以來經二千餘年豈無一二嶽竒器物足供人摩挲憑弔者丹心可表一鈎匪輕浩氣所餘一拳非小求之近代怵目驚心

臨武縣志

卷之四十三

金石志一

不必上世遺留始足寶貴至巉岩邃洞中贖字殘文其於史傳之補不補未可知也志金石

鐵香爐燭臺 各重數百斤在縣東金三鄉六十里金仙嶺頂上雨侵日炙字迹剝落不知年代相傳爲金仙修真之處

宋鐘 在邑治東北馬侯嶺下伏波將軍廟內高五尺強口徑三尺四寸簾業無存傾僕地上銘文亦漫漶不全惟淳熙十五年字迹略可辨識攷淳熙爲南渡時孝宗年號故知其爲宋鐘也

天祥銀 邑治東五里許儘頭嶺村民羅某於乾隆元年穿土築墻拾銀十餘錠每錠上鐫有文天祥字樣後爲客商易去按宋史本傳李恒將兵攻天祥於興國天祥走永豐至空坑妻妾子女皆見執天祥收殘兵奔循州駐南嶺至元十五年十一月進潮陽天祥方飯五坡嶺宏範兵突至倉皇被執吞腦子不死數年之間奔竄嶺徼郴桂一路皆其所經歷銀錠之遺當在是時

鵬舉研 順治初曹志建將下衡州屯臨邑城東有童

臨武縣志

卷之四十三

金石志二

子於故壘中拾研一片李君生生貨而視之則岳侯硯也其邊右鐫四篆曰丹心貫日左五篆曰湯陰鵬舉識右側旁鐫有楷書則明洪武時中山王徐達記也後爲邑令吳公索去李君懊悔者累日詳雜識

論曰朱雲折檻漢帝留以旌其直稽紹濺血晉主不忍澣其衣彼其忠蓋之氣炤人耳目自有不忍漠視者當宋之南渡也鄂國志圖恢復塵戟陳梁間思與諸君子痛飲黃龍府其後信國馳驅嶺嶠疚心疾首不忘趙氏一塊肉斯二公者烈膽忠肝

争光日月其手澤所存有珍於火齊木難吉光片羽者而乃文山之銀終歸烏有武穆之研竟附無何古忠臣器物不得長留是邑編葺至此未嘗不

掩卷而三嘆也

曹家王識

韶石 在舜峰山帝南巡駐蹕山下階級平治規模宏廠後人立祠其上以祀帝一巨石峙祠前高丈餘下臨峭壁百仞相傳帝踞其上命工奏樂石爲震動山神捧持之掌痕至今宛然粵曲江亦有韶石蓋因此而附會雷同者

騾跡石 在東雲山上成武丁曾跨白騾飲泉留跡於

臨武縣志

卷之四十三

金石志三

此也

焦石 邑東有焦石置物於上立焦在溫泉側見寰宇記也

石佛 在金粟岩中有元帝石像長丈餘左右有石鐘石鼓擊之有聲

靈石 一名逃石本桂陽臨武物因夜迅雷之變忽然飛去韶之曲江上後人往見之歎曰石乃飛來因名逃石以其有靈徙又曰靈石

鐘石 邑西塘村下青水道旁有石鐘扣之鏗然鞞鞞

過者莫不一擊致石無完形亦膏明蘭馥之自貽焚折也

秀巖二大字 宋米南宮書知縣王淮鐫于鳳岩石壁
上有記載藝文

無盡藏三大字 相傳爲漢蔡中即書每字橫豎約寬
五尺宋知縣趙汝恒鐫於鳳巖石壁上有記載藝文
龍鳳千歲四大字 宋仁宗飛白書碑在學宮今泐折
不可辨識

枕流漱石四大字 宋晦菴朱文公書碑樹學宮今漫

臨武縣志

卷之四十三

金石志四

漶已多有記載藝文

告龍文碑 在羅城山宋令羅夢得撰見藝文

加封孔子詔碑 元武宗頒

元敬一箴 碑一座舊在明倫堂馳道

明視聽言動箴 碑各一座明嘉靖七年知縣廖任奉
制建舊在明倫堂左